

est Paulus Samosatenus, & postea excommunicatus à Dionysio Romano Pontifice, & Maximo Alexandrino Patriarcha, petente id Synodo, sicut testatur epistola synodi ad ipsos apud Eusebium lib. 7 cap 30.

XXVII. Nihil etiam respondet ad dictum Gregorij Næocesariensis, qui profectus est ad Antiochenam synodū, & quo condemnatur ipsius & Samosati impium dogma: Unus est Deus pater uerbi uiuentis, sapientiæ subsistentis, & imaginis suæ, integer integræ genitor, pater filij unigeniti, unus Dominus solus ex solo, imago patris, uerbum efficax, filius sempiternus ex sempiterno, unus Spiritus Sanctus ex Deo substantiam habens, qui per filium apparuit sanctificans, per quem Deus super omnia, & in omnibus cognoscitur.

XXVIII. Hac clara, perspicua & illustri sententiâ, cui subscripsit tota synodus Antiochena, damnati sunt Samosatenus & Seruetus, & ab omnibus, qui à temporibus Apostolorum hanc synodū præcesserunt, & quorum scripta extant, refutati.

XXIX. Cum igitur constet, ueram & per